

松江府志

地 210.25
135
29

卷五十八
卷五十九
古今人傳

松江府志卷五十八

古今人傳十

國朝

戴有祺字丙章號瓏巖婁縣人原籍休寧居錢涇橋以金山衛學生領鄉薦康熙二十七年成進士三十年補行

殿試進呈本列第二

上以書法工置第一授翰林院修撰尋丁憂回里服闋赴館壬午考試

丙直諸詞林官左遷知縣乞假歸遂不復出有祺秉性孤

松江府志

卷五十八

古今人傳十

一

介條然出塵為文奇古似柳柳州詩學林和靖范石湖登第十年未竟其用嘗自序詩集云塵封之編時一展焉鋒盡之筆時一試焉其薄也由於讀書之不多其率也由於落筆之太易先輩之撝謙如此晚年築室蔣涇橋疊假山臨流水倣歐陽公作一劬子吟嘯其中後復以貧賣去顏其室曰慵齋作慵齋野老傳以寄意康熙五十年卒著尋樂齋詩集

松江詩鈔參婁志

張永銓字賓門上海人康熙三十二年舉人授中書改徐州學正未任卒私諡閑存先生永銓研經博學力宗程朱古文亦一時作者宋尙書犖嘗延上嵩山書院著



有閑存堂文集

上海志

廖鳳徵字樾阡婁縣人以貢入太學澤州相國重其才
延爲館師康熙三十二年順天舉人選授林縣知縣俗
剽悍難治鳳徵威愛竝著俗爲丕變又均平戶役民懷
其德丁內艱歸

江南通志

王楨字薇士婁縣人陞曾孫康熙三十三年進士入翰
林以母老假歸不復出性慈恕力行善事創別業於干
溪讀書著述老而不倦季子祖晉歷官衛輝府知府自
有傳

婁志

程儀千字言遠婁縣人陸清獻高弟稱其文皆先儒正

松江府志

卷五十八

古今人傳十

二

脈語在困勉錄及年譜以廣西籍中康熙三十五年舉
人改歸婁縣出宰泌陽繕城垣修庠序建書院籌荒政
夏旱蝗災禱於神忽有鳥千百啄蝗盡秋大熟邑奸民
謀開礦嘯聚雞鳴山將爲亂單騎往曉以利害衆解散
報最擢刑部主事奏調國子監助教仍食主事俸以疾
乞歸儀千孝友性成遭喪盡禮與諸弟白首無閒竟日
端坐自謂無過人處惟恭字差自信以恭壽名其堂卒

年八十六

金山志參
黃唐堂集

焦袁熹字廣期婁縣人所居浦南之焦家村學者稱南
浦先生康熙三十五年登鄉薦念祖母鞠母唐春秋高

絕意進取癸巳

詔求實學之士華亭王文恭安溪李文貞交章薦奉

旨召見以親老固辭後銓山陽教諭仍乞終養乙巳母病
袁熹年六十六矣猶躬自扶掖進飲食積三四月不怠
及卒勺水不入口者十日其至性純孝如此生平刻厲
清苦所居不蔽風雨究心儒先之學時當湖陸清獻以
道學提唱東南袁熹慕而師之鑽仰程朱默契絕學所
著各經說太極圖述等書數十卷皆與宋儒脗合閒出
己意俱能發所未發其他雜著亦數十卷如兵刑錢穀
水利獄訟諸大政悉指陳利害有裨實用詩古文及制

松江府志

卷五十八

古今人傳十

三

義凡所自爲與所評臨一時風行遠近自言每年讀未
見書必丈許自少至老未嘗輟尤好獎借後進每以齒
牙餘論沾丐寒峻年七十六卒門人私謚曰孝文

金山志

張棠字南暎婁縣人集子康熙三十五年舉人官戶部
員外郎遷刑部郎中出知桂林府爲政簡肅決獄明恕
御勞治劇斧擘理解不動聲色而案無留牘時各府知
縣盤查流民男婦老幼二百七十餘口解省候質羈留
日久飢困欲斃棠首捐俸廉詳請給賑民賴以活獐獍
劫掠村莊真兇往往竄匿山谷監禁者多無辜牽累乃
檢查積案悉予開釋他案之牽連繫獄者亦如之囹圄

頓空開華掌書院廣集生徒資以膏火修築城東南順成橋以便行旅守桂三載

詔許乞終養歸棠家本素封居鄉每遇旱潦米貴設法濟貧前後減價平糶動以數千石鄉人尸祝之西垂用兵請出家貲助餉雍正八年

朝廷以蘇松水道淤塞大發帑金開濬吳松江故道復請助銀三萬

世宗憲皇帝嘉獎特授太僕寺少卿年七十三卒子卿雲字慶初以諸生貢成均後積捐至運同以母老不謁選與弟景星友愛無閒撫甥葬師鄉里推爲長者景星字

松江府志

卷五十八

古今人傳十

四

二銘候補主事性長厚喜賓客卜築城南之梅園名流讌集聲色自豪有孔北海劉道和之風焉卒年七十六

妻志

周彝字策銘婁縣人康熙三十六年進士改庶吉士授編修主雲南鄉試初在太學祭酒王士正奇其才授以詩古文遂有名性敦古道嘗徒步葬師於石首弟鼎諸

生亦知名

江南通志

呂樾字開藩青浦人康熙三十八年順天舉人喜出游足迹半天下所至當事禮以爲師及門多貴顯者大學士高斌其尤著也知陝西盩厔縣有善政年老乞歸家

居二十載卒年九十一著有環溪集

青浦志

張德純字能一先世本姓郝晉大夫郝張之後由崑山遷青浦康熙三十九年進士授中書改授常山令會歲饑德純於蠲賑外復請發米數千石分置城鄉平糶且計貧民口數貸食秋熟還倉五十四年游饑復請米借糶如前存活甚衆邑賦地丁分納丁賦缺每攤之貧戶德純於編審時請均丁於地民困以甦江西福建之氓春來佃麻秋則棄去向多滋事德純設長以稽人不敢犯以失察旗人解任少工詩有松南詩鈔晚歲窮經儀禮周禮皆有箋釋其詩經解頤孔門易緒離騷節解尤

松江府志

卷五十八

古今人傳十

五

殫精力而成卒年六十九子之頊以歲貢選印江令孫

鳳孫自有傳

青浦志

施惟訥字予憲上海人維翰從孫康熙三十九年進士除蘭溪令多惠政以憂去服闋補山西滎河縣遇奇荒不待報卽發帑賑飢或阻之惟訥曰爲民請命雖獲譴奚惜時朱文端撫晉特重之以卓薦擢知大同府子念

祖杭州府通判

南匯志

張維煦字和叔婁縣人集弟康熙四十一年鄉薦與弟梁同榜工詩文待人誠摯有過輒面斥不稍假尤敦氣誼座主陳時弼因公註誤維煦竭力維持幾至破產親

友有困乏者解囊飲助不存德色常析產時推多就少
人重其友于之誼兩選中書皆不就日以書史自娛年
八十三卒子夢徵別有傳叟志

華謙字履光上海人鶴鳴孫康熙四十四年舉人署山
東鉅野縣值歲饑憲司酌撥嘉祥縣穀賑之檄令移民
就嘉監放嘉人或竄取之後更公然搶奪不能禁謙請
將本邑平糶米給飢民而以准撥嘉祥穀糶價買補邑
賴以安調高苑俗喜讎殺傾陷輾轉株連謙痛革其弊
旋請改教補丹徒教諭卒南匯志

錢珂字以朝青浦人本姓陳康熙四十五年進士選山

松江府志

卷五十八

古今人傳十

六

東萊蕪縣禁里長包納稅糧懲妖徒邪說惑眾鄰縣鹽
徒孔振功等肆橫巡撫李某謂招致其魁則餘黨無能
爲因以振功爲材官鹽徒亦患無主不相統一謬言振
功來願就撫巡撫信之令振功往振功去不還部署其
黨分爲三十六幫幫二百人以祖來山爲巢穴橫行兇
濟閒州邑告急巡撫意主招撫無敢言勦捕者獨珂以
獲賊報巡撫異之因以勦撫兩說密與珂議珂言鹽徒
聚衆生事此不足平也若縱之滋蔓咎將誰諉莫若陽
爲招撫陰發兵以勦之旦夕可盡耳巡撫聽其言發卒
擒獲振功等遠近以寧雍正三年乞歸卒青浦志

諸晉字瞻宸青浦人居珠街鎮康熙四十五年進士任河南夏縣知縣修學宮興書院爲政嚴肅豪強斂迹未幾卒於官蕭然旅櫬士民醵資始得歸祀中州名宦祠

青浦志

袁載錫字心友青浦人生而穎異丁父憂執喪三年未嘗見齒喪母亦如之冬日營葬細林山風雪饕虐舟楫莫能牽挽載錫仰天長號舟得抵岸人謂誠孝所致湯文正斌于清端成龍靳文襄輔皆以國士日之康熙四十七年登賢書明年考取內閣中書改江都教諭訓諸生黜華崇實揚俗婚喪侈靡因輯條約累數萬餘言上

松江府志

卷五十八

古今人傳十

七

之學使者令郡邑勒石垂戒病卒年七十九載錫後徙家揚州次子涵雍正四年舉人孫世燾乾隆十七年舉

人官廣西北流縣知縣

青浦志

張照字得天婁縣人父彙歷官刑部郎中照幼稟異質讀書日誦千言八九歲能臨撫歷代名家碑帖作擘窠書十三補諸生隨父京師入國子監時祭酒孫岳頌擅領順天鄉薦明年成進士選庶吉士授檢討

聖祖仁皇帝命大學士李光地纂輯諸經開館邸第照與排校未幾入直

南書房

聖祖仁皇帝見其書法類岳頌

召問年齒又

命講尚書二典中庸照一一奏對

溫旨嘉獎尋試諸詞臣於

保和殿列上等雍正元年領

武英殿書局子史精華成累遷翰林院侍講學士甲辰丙

午兩典福建雲南鄉試

世宗憲皇帝知照才可用自少詹事擢授內閣學士兼禮部侍郎晉刑部左侍郎署順天府尹仍兼內閣學士裏

松江府志

卷五十八

古今人傳十

八

行照在刑部治獄矜慎閱案牘一目數行改定爰書文法老吏莫敢出入尹京務鎮靜不尙鉤距屬吏憚其威競奮自效癸丑會試奉

命選士之通性理者禮部籍一百三人應

詔照悉招至邸舍與語拔其尤者復試以文得任啓運于開泰焦以敬劉學祖桑調元李光型吳超邵祥雲等八人以

聞會啓運已成進士祥雲以教職用餘六人補

殿試

賜進士出身制科以來所未有也陞都察院左都御史授

刑部尙書屢案大獄積參罰甚夥

世宗憲皇帝諒其忠直悉予開復貴州諸苗深阻谿洞相率煽動圍古州六十餘日所在焚掠

廷議勦撫照自請行

詔偕副都御史德希壽往總理苗疆事務時貴州大祲新被兵飢民僵仆滿山谷照至卽大發帑賑濟又川廣楚南應調兵大集芻粟頓昂有司格成例夫馬價不敢溢發以故餽運恆失期古州援絕幾陷照下令倍給之餼乃通官軍分道斬擊苗或降或竄古州圍解

高宗純皇帝卽位召還未至被劾逮下刑部獄而代者劾

松江府志

卷五十八

古今人傳十

九

照糜餉百萬獄成

上爲寬宥明年九月起獄中補內閣學士疏乞終養不允遷刑部左侍郎請假歸省還

朝復刑部尙書充

經筵講官總理樂部大臣照學殖淹贍才思敏給夙爲

上知起官後

恩眷益深凡

天章宣示首先賡和輒爲稱善書法雄跨當代尤被

宸獎

御製及廷臣之作必

命繕錄成冊藏之

內府屢長秋官精曉法律嘗引經折獄外省幕吏奉部駁
出不意必詫曰此張尙書筆如其指覆讞往往得實乾
隆九年二月迎

駕南海子墮馬傷臂十月隨

駕翰林院忽嘔血竝蒙

慰問

賜醫藥調理明年正月丁父憂歸卒於宿遷途次年五十
五

上聞憫悼贈太子太保吏部尙書

松江府志

卷五十八

古今人傳十

十

賜祭葬諡文敏

婁志

李郁芬字元音榜姓郁康熙四十八年進士選內閣中
書改知河南商城縣縣孔道官用夫馬科派病民郁芬
至卽詳禁立碑永杜後患學校久廢振興之丁外艱歸
士民勒石誌其德服闋銓信豐引

見遵

旨條陳一請復易知由單以便民輸賦一請定強盜自首
以許民自新時粵西多事需幹才得

旨改發至署柳州來賓縣踰年調藤縣有豪右恃強占奪
民田廉得其實卽列款申詳置諸法籍其產還之民大

悅立石頌之在粵三載以積勞染瘴卒於官

張起麟字趾肇婁縣人一鵠子康熙四十八年進士選庶常授編修癸巳充

武英殿纂修官丁酉典試雲南所得多知名士越明年罷

官歸卒起麟天才穎拔穿穴經史旁羅百家弱冠工詩

古文名譽翔起與焦徵士袁熹稱文章知己出安溪李

文貞之門與長洲何焯宜興儲在文宿遷徐用錫並推

高第弟子在館著述俱實學不為空言詩擺落凡近力

追三唐秀水朱彝尊序其集亟稱之著有學古齋集子

澤葵字文五年十七登康熙四十一年鄉薦後官鹽城

松江府志

卷五十八

古今人傳十

士

教諭罷歸能文工詩畫自評畫第一詩第二

世宗憲皇帝嚮用文學將舉博學鴻詞科或問焦徵君誰

足當選者徵君云其虞皋文五乎虞皋清才文五大才

也惜莫為薦舉云著有芳草齋集

金山志參松江詩鈔

路鳴夏字西駕華亭人居陶宅弟為人所誣陷不測鳴

夏傾身營救得解負才諳試輒高等為一黷之雋康熙

五十年領鄉薦兩與計偕不第齋志以沒詩文卓然可

傳奉賢志

王圖炳字麟照婁縣人相國文恭子工詩文精八法商

邱宋犖開府吳中提倡風雅選江左十五子詩圖炳與

焉舉康熙三十八年鄉薦補內閣撰文中書舍人四十六年

聖祖仁皇帝南巡獻詩稱

旨命隨入京供奉

內廷五十一年

欽賜進士選庶吉士授編修陞右中允歷侍講右庶子充日講官起居注雍正元年擢國子監祭酒旋陞詹事府正詹事丁外艱起復補授都察院左副都御史前後屢上封事悉有補於民生吏治之言擢禮部右侍郎轉左以條奏註誤削職乾隆二年起補編修旋進侍讀以老

松江府志

卷五十八

古今人傳十

士

病乞休

詔給詹事府詹事銜卒年七十五圖炳忠孝性成爲文章有根柢詩詞清絕其書法出入趙董兩文敏閒平生無他嗜好惟賞奇汲古如恐不及子二貽燕候選郎中工詩畫爲時所重貽穀候選國子監典簿孫六人長憲曾乾隆二十四年舉人工書善畫次嘉曾自有傳妻志王時鴻字霄羽婁縣人坊孫康熙四十四年時鴻以諸生獻詩

行在拜

御書白金之賜入

武英殿纂書五十年舉順天鄉試明年特賜進士改庶吉士授編修久直

內廷與修方輿考略春秋傳說彙纂

省方盛典諸書時人服其淹貫仲兒時濟字用舟康熙五

十二年舉人亦以修書議敘授內閣中書婁志

高不騫字查客華亭人層雲子講求古學不屑爲舉子

業年五十尙布衣

聖祖仁皇帝南巡召試詩賦

賜帑金百兩入都授翰林院待詔陳請邀

恩行釋褐禮充國史館收掌官纂方輿考略月令輯要分

松江府志

卷五十八

古今人傳十

十三

注

御選唐詩旣成乞假歸葬母遂不復出家在披雲門外有

白鷗池卒年八十七從子曜康熙二十四年進士翰林

院編修子奮生乾隆二十五年進士內閣中書華亭志

陸箕永字二水青浦人慶臻第五子縣學生幼荅穎能

詩文

聖祖仁皇帝南巡獻九峯賦

召試行在令赴京再試

暢春苑

賜御書孝經暨衣服筆硯給路費令歸家讀書應試四十

四年復遇

南巡獻廬山賦奉

旨賜監生入直

武英殿食七品俸在翰林院行走與纂修佩文韻府

賜邸於旃檀寺庚寅選授縣竹縣以明惠稱雍正二年擢

直隸古北同知調廈門同知攝興泉道事年六十四卒

著有賜書堂存稿

青浦志

馮守禮字揚存婁縣人恩六世孫也祖鼎如字孝杓諸生工二王小楷為董其昌入室弟子從父鏗字天垂亦以工書為名諸生守禮素承家學研精八法由太學生

松江府志

卷五十八

古今人傳十

古

考授州同

聖駕南巡獻所書字冊奉

旨入直

武英殿纂修佩文韻府辛卯書成議敘以知縣用授無極

令興利除弊在任九年名稱籍甚卒於官年五十九從

弟守真字寶初亦以工詩善書受知沈文恪荃從子敦

忠字方山邑諸生性好義遇有關一郡利害事輒倡為

之著海塘條議石工利害說俱上之當事采行之

婁志

吳光睿字景略婁縣人諸生

聖祖仁皇帝南巡召對僧元龍知光睿名獻詩稱

旨隨入京得預纂修閱三年乞歸前後蒙

恩賞賚優渥布衣遭際之榮未有甚於此者光睿性真朴
工詩古文辭下筆千言立就而略於制舉業沒後詩文
散佚無傳同時彭輯瑞字觀顏輯珩字佩山亦以

南巡迎

駕蒙

恩賞御書千字文一部

婁志

蔣麟字健修婁縣人爾揚族姪康熙三十八年舉人四
十八年進士選中翰未仕卒麟早承先志博極羣書存
心孝友常以名節自勵云

松江府志

卷五十八

古今人傳十

五

董洪字育萬榜姓胡年十八補縣學生尙書張照父彙
見而異之留與照同學康熙五十一年成進士改庶吉
士授檢討六十年充會試同考官左遷助教量移行人
行人爲京秩中閒曹居職者或經月不入署洪約僚友
日至焚香煮茗手周易老子質問疑義聞者歎服雍正
七年充順天鄉試同考官乾隆六年陞刑部員外郎冬
十二月充律呂正義館分修官明年卒子椿字賡雲由
四庫館議敘署陝西盩厔縣縣丞工畫山水董富陽亟

稱之

青浦志

吳廷揆字賓門婁縣人元龍子康熙五十二年進士授

戶部主事轉員外郎郎中大司農武進趙恭毅公常推重之丁酉擢吏科給事中己亥轉禮科掌印給事中庚子掌登聞鼓辛丑晉太常寺少卿提督四譯館雍正元年奉

敕祭告南鎮明年于役

山陵馳驅勞瘁卒於官廷揆前後服官大率律已以嚴待人以恕趨事以敏不激不阿故能公忠誠信孚於當時子澄字蓉川性穎異折節好學爲焦徵君袁熹曹黃門一士所器重歷試南北不售會生母錢年高眷戀色養年未四十卽絕意榮進生平居心仁恕勇於爲義遠近

松江府志

卷五十八

古今人傳十

六

稱長者著有鳴春村居諸稿澄子樹本自有傳婁志

曹鑑臨字咸蕤婁縣人九歲屬文年十一補博士弟子爲邵學使嗣堯所賞識弱冠以五經中式康熙五十二年進士選庶常乙未授編修充

大清會典纂修官雍正元年應

詔陳言疏奏止捐納限官制開復五經科凡數疏皆當世切務鑑臨日誦數千言於諸經傳注及綱目諸書尤爲精熟爲文援筆立就在詞垣詩古文詞爲同館推重甲辰丁外艱哀毀骨立得疾卒焦徵士作文哀之著有吹

劍集寒蠶草

金山志

蔡嵩字宣問上海人居川沙之筆子康熙五十二年進士選庶吉士改編修雍正元年恭修

聖祖仁皇帝實錄充纂修官尋

命直南書房行走督學雲南清勤自矢著四書題解以示

法程擢祭酒晉宗人府府丞卒子鳴殷盱眙訓導南匯志

姚培和字鈞風婁縣人居五保康熙五十二年進士由

太常博士歷河東鹽運使會關陝軍興改調漢興道檄

理瓜沙屯務培和招流民葢房屋給地畝建倉設學四

年邊地成樂土復回漢興漢興俗悍多盜培和寬猛兼

濟人盡化之以憂歸卒著有斗室調圻集金山志

松江府志

卷五十八

古今人傳十

七

王奕仁字魯公華亭人康熙五十二年進士授編修充

尙書館三朝國史館省方盛典纂修官提督貴州學政

疏請添設苗童進額以示鼓勵黔屬黎平府治在五開

衛中衛隸楚疏請屬黔就試不得占兩籍陞左春坊左

贊善試竣以終養乞歸卒華亭志

張梁字大木婁縣籍青浦人康熙五十二年進士充

武英殿纂修官後假歸絕意仕進卜居珠街閣恆與黃之

雋繆謨諸人詩筒酒盞無虛日性愛山水兄彙別業在

杭之西溪春秋時一游焉晚歲專修淨業自號幻花居

工年七十四卒有澹吟樓詩詞鈔子夢鼈字巨來工詩

文有乃吾廬詩詞鈔次三變貴州羅斛州判卒於貴陽
子孫因家焉次繼曷安徽宿州知州

婁志參家傳

姚培益字苞延婁縣人康熙五十三年舉於鄉雍正八年考取內閣中書軍機處行走在職敏達勤慎有溫樹不言之風乾隆初授翰林院起居注主事丁父憂服闋補原官濯刑部江西司員外郎假歸杜門課子以詩古文詞誘掖後進著有迪惠堂詩文集

王俊臣字日初初名昀上海人康熙五十三年順天舉人祖陸良博極羣書名重當世俊臣繼之詩文卓然可傳副使王澄慧聞其名首薦舉博學宏詞以疾不赴著

松江府志

卷五十八

古今人傳十

六

有寒碧齋詩文集

上海志

陳志道字鶴西榜姓宋康熙五十三年舉人以經師客授四方同郡黃之雋王興吾暨上元方望溪子道章皆其高第弟子制義外兼能詩古文詞著有拾香草堂集

奉賢志

楊城字薇中華亭人康熙五十三年舉人官儋州知州洊歷崖萬兩州撫黎同知其在儋州也屏胥吏餽遺除加徵陋弊民吏大悅及治崖州復除浮收之害民困以蘇遣犯之發崖州者水土不習多死城請於上官申部改發全活甚衆竝建學宮造士教化大行在任數年卒

年六十八奉賢志

王珠淵字長源青浦人裔出文恪公後父璐字爾公由吳縣洞庭遷居珠街鎮爲青浦縣學歲貢生以能詩名著有東臯集珠淵康熙五十三年舉人初泊尚書更治周易聞金澤有張璠字魯傳者少從何焯游淹貫羣經尤邃於易每傾倒之後璠來縣道經珠里珠淵邀至家縱談所得互爲講解遂訂金石交家故貧授徒自給所居破屋兩間井區庖湏聚一室雨則持繖蔽之客至往往倚門而談晚歲選授全椒縣教諭任三載歸卒凌如煥字榆山上海人康熙五十四年進士入翰林晉

松江府志

卷五十八

古今人傳十

九

侍講以清慎勤自矢視學湖北禁絕陋規拔前明楊忠烈漣曾孫可鏡貢於

朝以

廷試文違式被議奉

旨褒楊氏忠義遂得免議除閣學自楚復命見水程險惡多覆溺奏請川廣險阻處多設救生船并疏陳直省開墾利弊部議准行渾河水發

詔查民房災塌給帑安頓如煥奏請嗣後被災之處卽許地方官動支倉庫量給報銷著爲令又請行保甲令老疾得給養強壯無曠業晉兵部侍郎典江西試經北新

關奏除納稅照票之繁民便之已未典會試轉左侍郎
乞終養歸戊辰主申江書院著禮記節萃輟簡而卒性
孝友謙和剴直著作甚富有燕都楚游等草門人沈德
潛序而傳之

上海志

徐學柄字王馭上海人康熙五十四年進士改庶吉士
授檢討充

實錄纂修官居京師十餘年閉戶著書同官或不識其面

時論高之

上海志

徐寧字學培上海人康熙五十六年順天舉人薦入史
館與修圖書集成庚子鄉試以纂修舉人充同考官雍

松江府志

卷五十八

古今人傳七

三

正癸卯會試

命以遺卷進

欽賜二十四人登第寧與焉出爲鄆城令尋罷歸居鄉教
授著書自樂大學士尹文端繼善同年友也至松特造

訪竟日無一語及私時人誦其清節

上海志

張忠斂字晴巖婁縣人占天津籍登康熙五十六年鄉
薦授福建平和令俗健於訟忠斂一推以誠牒至立判
之情僞曲中民懽服調順昌折獄明敏如平和大吏廉
其能將舉最以疾去官卒

林鶴字健羽婁縣人康熙五十六年舉人從焦袁熹游

所著詩古文詞不剽擬前人適歸於範癸丑下第卒於京邸同人啓篋笥得一函乃其弟子致要人書求善視其師者鶴不往謁亦不言及其介節如此同年之在京者醵金以斂而歸其柩云

金山志

張澤緒字繡百婁縣人安豐孫事親務色養居喪三年不入內不食肉不修容弟澤朔前卒遺兩孤飲食教誨底於成立舉康熙丁酉順天鄉試需次國子監學正卒著有尙志居詩文稿

張氏世譜

張鉞字南呂上海籍華亭人居張澤康熙五十七年成進士充景山教習授內閣中書丁母憂服闋陞宗人府

松江府志

卷五十八

古今人傳十

三

主事己酉主試山東尋擢御史條陳利弊多所建白巡查萬安倉釐剔積弊轉戶科給事中巡直隸保定真定河閒三府平反重案無一枉縱又於定興縣北河設立義渡至今賴之丁父憂去職起補吏科給事中以疾歸卒

畢誼字元復婁縣人寄籍天津康熙五十七年進士由咸安宮教習授內閣中書擢刑部主事以薦授內閣侍讀改戶部郎中壬子典貴州試擢御史轉禮兵兩科給事中兩校禮闈稱得士乾隆元年設總理事務處滿漢四人入直誼與焉數議

國家大典禮及大政事淹雅精確政府毘倚之在臺垣前
後章奏二十餘上如弛銅禁緝賭具條奏科場事宜一
一施行又奏請條陳經史以裨

聖學及江南河工兩疏皆洞中機要鄂文端爾泰嘗論當
世人才畢某奏議今之陸敬輿也在軍機多年謹慎練
達號稱職金川之役傅忠勇恆欲奏授參贊以年老辭
出爲鳳陽道頗著聲績以事鐫級事白以主事銜充平
定金川方略館纂修官年六十五卒於京邸子應辰乾
隆十五年順天舉人太湖教諭

行述參
婁志

楊爾德字質爲婁縣人康熙五十三年與從父恆以嘉

松江府志

卷五十八

古今人傳十

三

善籍應試登順天榜五十七年會試第一授翰林院編
修充明史纂修官大將軍年羹堯入朝朝臣出迎爾德
獨不往後羹堯敗

世宗憲皇帝知其事擢吏科掌印給事中有直聲督學廣
東卒年五十七奉

旨楊爾德尙有老母著浙撫留意照看時人榮其遇恆字

以方官柳州知州

婁志

張夢徵字鶴來華亭人維煦長子年十七舉於鄉康熙
五十七年進士入翰林授編修直

武英殿充纂修子史精華駢字類編等書雍正四年獻河

清頌已酉典試粵東還

朝以不由驛站被劾降補行人司司副引疾歸親老不復
赴補定省餘暇輒事吟詠書法尤工婁志

黃之雋字石牧先世休寧人遷華亭之陶宅今爲奉賢
讀書過目成誦登康熙六十年進士選庶吉士雍正元
年奏呈中元祭

聖祖仁皇帝文大稱

旨次日

召見養心殿授編修未幾充日講起居注官纂修明史旋
視學福建一年之內疊荷

松江府志

卷五十八

古今人傳十

三

特恩蓋異數也在任條教一新多士爭自濯磨自將軍制
府以下悉不敢干以私二年陞右春坊右中允明年轉
左會巡撫毛文銓奏之雋庇護生員調回京四年六月
有

旨鐫中允仍在編修行走五年復以在閩時試用浮開廩
額部議革職然實無踰額糜帑事也乾隆元年膺博學
鴻詞之薦以老疾報罷時許廢員陳訴部院驗看引

見錄用之雋澹於宦情徑南歸閉門卻掃州郡交聘悉謝

不往年八十餘卒著有香屑集唐堂集

婁志參松江詩鈔

邵成楨字樹百青浦人璘子康熙六十年成進士授廣

東開建令縣界連廣西猺獞雜處盜礦者出掠爲民害
成楨督捕嚴悉遠遁時有盜案三十餘人前令已結成
楨閱案牘廉其中有冤抑乃親自訪得無辜者釋之調
徐聞縣地廣民貧到官卽首務墾種數年賦遂充豪民
張姓通鄰婦死其夫成楨按律定擬張屬人關通餽銀
五千兩叱去之申府屢駁執不從竟置法闔邑稱快修
葺學宮創建義學文風日起尋以病乞歸成楨學問淹
博賦才清麗詩出入中晚唐閒及劍南石湖諸家松郡
能詩者一時未之或先也

青浦志

王會圖字昭令青浦人懋忠孫師事陸從龍而與從龍

松江府志

卷五十八

古今人傳十

十四

子祖修祖彬及唐士恂爲友稱東郭四子時青溪有寅
社之舉同社者三十餘人會圖與焉年三十補博士弟
子員是時徐尙書乾學方家居招致名士聞會圖名介
祖修招之卒不往屢試不售以歲貢終會圖研究理學
以樂天知命爲宗詩文其餘事云子士翰士翼士倬竝
以文學稱

青浦詩傳

汪廷炤字宸光青浦人居沈巷歲貢生績學工文植品
嚴毅家有敬業園池塘幽靚花藥翳然日與子弟蒞誦
其中春秋佳日招致名流觴詠以適其志弟廷燧字龍
光少負奇氣兄弟自爲師友專事古學取左國史漢唐

宋八家之文而寢饋之晚歲輯萬姓譜屬稿盈篋未竟

卒 沈巷志

唐時琳字宸枚上海人歲貢生操行誠慤潛心理學尤工詩文選江寧訓導著有學庸集說詩經正義時同邑

唐聲傳字廷一亦歲貢生研窮理學當湖陸清獻重之

上海志

顧思照字藻文婁縣人廩貢生任丹徒縣訓導性行古樸博學工詩文所居醉白池在谷陽門外饒水竹之勝

乾隆初年與黃之雋周吉士諸人結詩社於此著有西

村唱和集自訂醉白池詩鈔 唐堂集

松江府志

卷五十八

古今人傳十

三五

周纁字我園婁縣人析邑後為金山父孟韜端行誼嘗

捐貲修海塘韓中丞世琦旌其義嘗延陸清獻為師命

纁昕夕討論身體力行以故纁在當湖諸弟子中為長

以歲貢官崇明訓導崇實黜浮士風丕變其律已尤嚴

不失父師之教年七十四卒於官著有遙集齋集 金山志

周士彬字介文婁縣人世居千山父郇若以踐更家中

落士彬事繼母以孝聞甫成童日夕織簾以供甘旨暇

即記誦經史及長有文名嘗應山東巡撫施維翰聘時

裁東省提標兵兵忽變士彬佐維翰撫定之後欲薦之

於

朝以親老辭歸康熙三十五年中本省副榜年七十八卒
著有山舟詩集婁志

周篆字籀書青浦人師事崑山顧炎武博究經史徧游
南北歷參幕府於河渠兵農錢穀數大事洞悉古今所
著述切中當時利弊年六十五卒著有草亭集蜀漢書
杜詩集說子廉字來叔善詩有匏園集青浦志

徐允哲字西崖上海人汝翼曾孫諸生工詩古文新城
王阮亭如皋冒襄同郡錢金甫周金然皆目爲畏友四
方慕其名購詩文者日不暇給工書法以晉人爲宗兼
善繪事得元四家法著有申江集蕭山毛奇齡序極許

松江府志

卷五十八 古今人傳十

三

之上海志

吳昌祺字綏眉華亭人居朱涇幼與宋思玉同學屢躋
場屋康熙丁卯入闈值目疾因大書十絕於卷末而出
司衡者咸爲惋惜生平於百家諸子靡不通貫尤究心
於詩晚年屏迹一樓取唐汝詢所選唐詩解悉心刪汰
之論者謂爲後學津梁云金山志

周綸字鷹垂華亭人茂源子隨父客京邸董蒼水田髯
淵諸人俱重之由歲貢授國子監學正爲新城王阮亭
先生所知湯文正巡撫江蘇綸上書極陳賦役利弊累
數萬言事雖未行時論偉之著有芝石堂文稿不礙雲

山樓稿石樓臆編諸書

青浦志

范纘字武功婁縣人太學生年十五侍其父宏曾在吳梅村先生席上賦桃花篇千餘言頃刻立就梅村見而異之既長博聞彊記於書無所不窺搜擇祕奧有叩卽答之詩文與周稚廉齊名又與錢葆芬諸人倡興詩餘專工小令能書善畫乞畫者例酬一棉衣每歲積數十襲以待冬月施貧者中允黃之雋爲諸生未知名館泖東盛氏纘三訪之後海昌陳文簡在松求士以之雋對由是顯名晚葺數椽讀書顏曰雞窠自稱雞窠老人著四香樓集子甫霑號畔南仁霑號春江竝以諸生負時

松江府志

卷五十八

古今人傳十

三

望孫棫士自有傳

婁志參江南通志

周稚廉字冰持華亭人茂源孫賦性穎敏讀書日以寸計爲文信筆千言才名籍甚嘗游浙中值西湖大舉文社在會者千餘人題爲錢塘江賦稚廉伸紙疾書頃刻而就舉座愕眙明日衆爭物色之已揚帆歸矣爲人恃才傲物尤藐視富貴人不輕與接以國子生入棘闈屢不及格遂憤懣以死初稚廉之生也有異徵爲夏完淳後身故詞翰藻麗精妙亦如完淳完淳者同里夏考功才子也著有容居堂集雜著若干卷

奉賢志參江南通志

孫芑字澧有華亭人布衣卓犖不羈羞與俗伍工詩爲

吳高士日千所稱著有吟臺詩草一卷芑爲職方司何剛甥剛殉國難芑著闡忠錄一卷又撰關聖帝君文獻會要四卷年八十五卒

奉賢志

陶南望字遜亭上海人布衣詩文拔俗書法出入顏柳閒徧觀古人法帖集草韻彙編若干卷未成而沒其子錕續成之從孫步蟾諸生亦工詩善書

上海志

范超字同叔青浦人居黃渡工詩能隸書又精於醫藉以自給嘗作秋柳八首最工人呼爲范秋柳尙書徐乾學韓茨皆欣賞之爲人和易洒落招飲輒往酒半吟其所作撚鬚發響旁若無人人亦不以爲忤也後以醉酒

松江府志

卷五十八

古今人傳十

三

暴卒著有同叔詩草

青浦志

鮑歷字思遠上海人諸生少孤授徒養母究心理學時有主陽明之說者王鑄著論以辨之歷復引伸其旨於是海上之學皆宗程朱而姚江之葩藉發明云詩亦非

苟作者

南匯志

錢長涵字崑河華亭人金甫嗣子郡學生幼稟異質辭條豐蔚朱檢討彝尊嘗稱其詩謂雛鳳清於老鳳聲也寄情詩酒不事進取卒年七十臨沒語不及私惟以學士遺稿未刻爲憾其後族人錢樹本捐資鐫版行之今

寶素堂全集是也

奉賢志

倪匡世字永清婁縣人居張管山後移家泗涇放情山水日事鉛槧都督某一見奇之挈至京名譽甚重踰年游楚爲葉忠節映榴客映榴亦倚重之著有詩最婁志徐基字宗頊華亭人由貢生官蕭縣訓導歸田後閉戶讀書足不入城市所著詩古文詞皆集前後赤壁賦中字隨題拈合觸手成文松郡向有趙文敏赤壁前賦石刻基復購得後賦真本并勒諸石今在府署著有十峯集景蘇閣集十峯集入

欽定四庫全書存目中子湄字葭洲上海附貢生雍正八年保舉賢良方正分發甘肅辦理軍需授鞏昌府寧遠

松江府志

卷五十八

古今人傳廿

三

令松江詩鈔

周銓字緯蒼上海人諸生博學工詩文甫弱冠父平儒沒於秦中奔喪扶櫬歸葬後游京師師事姜西溟爲入室弟子與韓大參九荀尤契時有欲薦之

三殿編纂者銓以母老不就歸晚益窘賣文爲活以供甘旨與兄同居白首怡怡年六十七卒張進士梁爲之傳

上海志

潘肇振字文起青浦人衷昉從孫其世父恪如字孩士懿字愷容皆以文學著肇振少爲縣學生承其家學耽書嗜古內行純篤屢躡場屋胷中不能釋然遇俗人尤

掉頭不與語人故以狂目之今存遺安堂稿二卷

青浦志

劉夢金字粵來上海人質直有氣節游京師長安貴人

爭羅致之謝弗通以明經終詩古文詞濡翰立就出入

韓蘇李杜閒雅不欲以經生自域工書善醫奕有國手

之譽

上海志

莊永言字祉如婁縣人工詩古文詞所居大雅堂與姜

遴等二十餘人結社為時文時張棠張昺年最少繼又

得戴有祺等十餘人焦袁熹稱郡中文會大雅為極盛

云

松江詩鈔

潘牧字牧園上海人明恭定恩裔孫負異才尚書徐乾

松江府志

卷五十八

古今人傳十

三

學知其名欲以博學宏詞薦辭不就日事詩古文詞著

述甚富進士張梁輯而藏之

上海志

施於民字漁帆婁縣人諸生工詩五言尤善提督總兵

官師懿德嘗延課其子子禮潼字竹田亦能詩

婁志

高集字文越初名懿堅華亭人承祚孫天才宏放游京

師無所遇遂歸與黃之雋訂交為同硯友縱酒論文無

虛日七夕歡飲忽以趾痛成瘳臥病四載卒年四十七

所著學庸觀理觀復堂古今文若干卷藏門人魏太學

家唐子遴字楚材允振孫諸生工詩家貧甚寄食從昆

弟家遇益窮詩益工後以病鬻不食死其存稿百六十

篇皆佚

唐堂集

汪景洙字魯士華亭人七歲能詩吳門尤太史伺見而稱異學士曹峩雪以女妻焉年十五補諸生構潭西草堂與名流題襟賦詩嘗選制藝名因是集京江張相國序以行世平生多善行當事欲旌其門笑謝之以貢生候選訓導未仕卒

奉賢志

周洽字再熙婁縣人居白龍潭工文章精漢隸畫學趙左不數月盡得其技後客靳文襄幕時河工告成以黃河圖屬洽乃歷覽究豫雍冀四州之地閱四月相度河勢摹寫進呈

松江府志

卷五十八

古今人傳十

三

上覽之稱善下

詔褒美又別爲看河紀程三卷後河道傅澤洪換行水金鑑悉載其說方繪圖時夾河守令多致饋遺略無所受且戒從者勿損民間一草一木文襄知而賢之時屯政方興欲使筦出納以未習錢穀謝旣而靳以蜚語罷屯政中輟任事者多註吏議洽獨超然事外嘗游嵩山嶽廟居人言廟多火災因寫中流砥柱圖於北壁自是火患永息世驚爲神晚歸里年七十五卒著有擁書閣詩文集子三仲子棟學二王書極工孫煌拔貢生官繁昌

縣教諭

松江詩鈔

王鑄字範之上海人居周浦諸生兄鎬字王在爲文初
豪放後宗安溪一歸雅正以進士候補內閣中書教授
後進張文敏照董庶常洪襄平劉之璉之珏皆出其門
鑄以鎬爲師沈潛力學文有根柢每學使者至悉歎賞
滄陽張公榕端尤敬禮之延校試牘有譖之者任益專
鑄於四子書恪守程朱之旨體會入微授生徒嚴立課
程不少假朋友有過必盡言規勸於當事未嘗輕投一
刺然遇地方大利病必正襟危坐以告之郡守周中鉞
延訪鑄告以興水利修府志建義學惜未盡行周擢去
雍正甲辰海溢塘內外骸骨狼藉鑄老病猶親往拚埋

松江府志

卷五十八

古今人傳十

三

之其好義如此以年資貢入太學卒年七十一及門甚
衆同里李琮尤得其傳所著叩囊閑存慮得諸集皆佚
惟四書繹義子澤深梓以行澤深字質夫諸生有文名

南匯志

陳崑字咸京婁縣人三歲而孤祖于遠口授經史幼卽
工詩古文由諸生貢成均康熙癸巳

詔求實學通經之士以李文貞王文恭薦奉

召入京充纂修詩經館分校又留子史精華館期滿議敘
知縣遽乞歸杜門著述精通內典年八十卒著有祖硯

堂集

婁志參松江詩鈔

陸瀛齡字景房上海人鳴球子與曹給事一士竝以古
學名於時江南學者多宗之嘗入春風亭爲上客春風
亭者鄂文貞公開藩吳中時所置以館名士者也雍正
初元充拔貢入京師公卿咸以館閣推許然其爲文根
柢諸大家而不肯骫骳屈曲以從時好故屢困舉場素
善章奏大學士史文靖公在兩湖慶公復那公蘇圖在
兩江皆邀之助數陳郡縣利病大府下其指於有司民
受其德旣除石埭教諭石埭僻居山谷風氣樸陋瀛齡
斥俸錙葺治學舍日進諸生教以讀書行誼士習丕振
知縣闕攝其事除煩苛慎出納廩囚之不食於官者訟

松江府志

卷五十八

古今人傳十

三

者至庭立處分甫三月縣大治以秩滿乞歸閉戶著書
無一刺及公府舉鄉飲大賓年八十卒瀛齡性和易於
學無所不窺詩主大歷晚出入蘇陸閒尤善書法所著
詩文曰贅翁臚語其他撰述尙富自其先文裕公深後
雖多學行兼優之士莫有如瀛齡者子秉笏自有傳

陸氏

朱溶字若始華亭人刑部郎中鼐後博綜羣籍十四而
孤哀毀特甚補邑諸生以父未葬母老遂習青烏岐俞
之術旣又棄舉子業肆力於古文詞名隆然起母沒執
喪盡哀鬚髮頓白服闋游京師值纂修明史聘溶入館

時海內名士爭工詩詞而史才絕少溶深究體裁謂子長天才縱逸未易涉筆范史工鍊漸近華美惟班史謹嚴精潔宜奉爲程式館臣俱委重焉暇復纂有明死事諸遺蹟爲忠義錄表忠錄及隱逸錄自著則有蘧廬集

漢詩解并列仙醫術等書

松江詩鈔

顧用烈字承設南匯人昌祚長子諸生蜚文積學讀書過目的的通大義下筆數千言立就學使者張泊谷稱之曰江南文行屬此生矣弟成天亦自謂弗及也

南匯志

閔爲輪字萼池上海人居石筍里少侍其父瑋游京師卽以詩文譽公卿閒爲人蘊藉多容儀與人交無所臧

松江府志

卷五十八

古今人傳十

三

否而中實了了類古慎言者覃思吮毫詩律甚細所作不下千餘篇黃之雋顧成天序之其甥黃知彰彙刻行世知彰字貫芬居黃家閣父素有傳知彰以諸生入太學應南北試不售潛心著述修先世煙霞閣居之吟詩作畫晚益精進著有詩集八卷

南匯志

王雲瞻字卓士上海人諸生有文行尤粹於經學著周易纂要子洪範爲文奇古學使鄭任鑰以國士器之早卒曾孫春元英敏力學著有桂一山房存稿

上海志

間邱銘字尹節上海人居周浦諸生篤於孝行研究四子書彙衆說而折衷之著有講義彙參十五卷兼通醫

理子一士字傳九嘗託友居貨友負之不與校歲暮獲
偷兒乃素識者遺錢米令去囑家人勿言其人感而改
行孫王言字綸宣歲貢生工詩能書尤善鼓琴曾孫廷
憲高才生亦以明經終

南匯志

唐惟懋字太初華亭人諸生工制義兼工詩嘗選歷科
小題爲發蒙小品最便初學風行一時其後有沈鈞德
字耐庵諸生婁縣人癖嗜古物嘗取房行考卷選刻

國朝文攬勝理法清真足繼行遠諸集後之操選政者皆
不及云

奉賢志參
吳興傳略

嵇慶淳字文高上海人襟懷高曠文如其人詩亦清遠

松江府志

卷五十八

古今人傳十

三

絕俗工書學黃庭經片紙隻字人爭購之

上海志

曹燭字舒光婁縣人諸生棄舉業爲詩工古今體幼苦
踐更田畝悉書白券與人李侯復興令婁燭作詩并書

投之宛然鄭監門圖也及詳定均賦乃悉取田籍焚之
曰令子孫勿作汶陽想耳有族兄撫甥爲嗣擬服本生
燭準以恩義爲書數百言貽之陸清獻深以爲然嘗風
雪中出錢救覆舟夫婦終不告以姓氏著有鈍留齋集
祀孝義祠子奕霞字哲庭工詩著白村集

金山志

唐士恂字子恪青浦人縣學生錦元孫青溪東郭四子
之一與葉忠節映榴交最善忠節喪歸其家欲假館受

弔士恂以非禮貽書止之博援禮經諸史其說甚辨晚
益貧不遇故其詩多清蒼感慨之致

青浦志參
松江詩鈔

施士愷字澄如婁縣人國學生性誠樸好學不怠工詩
善擘窠書識樓儼於未遇時延至家師事之學益進著
咀華齋詩草四卷詩餘一卷邑令王道序而梓之

唐敬烈字又方華亭人三歲失明聽弟敬濤讀書入耳
卽了了成誦久之五經三史無不通曉學詩多雋句初
敬烈曾叔祖汝詢號酉陽瞽而博學能詩藝苑重之敬
烈克承家學而兩目亦盲人稱爲小酉陽云

奉賢
志

趙鳳翔字魚裳婁縣人諸生與弟慎徽同游陸清獻之

松江府志

卷五十八

古今人傳十

三

門稱高第弟子鳳翔幼好讀書攻苦無閒文名噪甚當
湖勵以實行乃斂華歸實深體主敬窮理之旨以所學
教授生徒一經指示咸有條理慎徽義命自安不屑干
謁性寬厚有犯者不與校好周人急識者謂爲淵源有
自云行文根柢六經工詩與鳳翔有二趙之稱

金山
志

胡國楨字嶠賓華亭人諸生有文名性至孝年四十以
母老不赴省試當事有聘主師席者亦謝弗往生平究
心理學常與當湖陸清獻貽書往復當湖贈以詩有招
鶴雲閒秋唳迴臥龍海上晚吟高之句云

奉賢
志

夏嘉字湄在華亭人之夔子也諸生少從陸清獻游講

求實行稱入室弟子尤長於詩蔣大鴻賞之以爲不失家學時同里程詮入金山衛庠文行卓犖亦清獻高弟見日記

嵇爾瑛字修五上海人品行端謹重然諾喜施予郡守龔嶸舉旌善之典造門延至公堂歷數善行酌酒爲壽復以鼓吹導行令吏卒周呼城市曰爲善者法此表其門曰善渠型方子慶立守家法爲士林模楷

上海志

葉之奇字汝正青浦人孝子瀛曾孫五歲喪母哭泣如成人十三喪父慟絕復蘇祖母保護之得成立事祖母以孝聞奉季父母如所生補縣學生康熙九年大禮出

松江府志

卷五十八

古今人傳十

三

米煮粥及餅餌以給老稚之不能就食者十九年水災復倡捐全活無算見抱布易銀完急餉者遭胥篋倉皇不欲生出金助之又倡建啓聖祠於孔宅衣冠墓左爲文勒石康熙八年學政與巡按旌其廬子承謨字陸陳歲貢生亦勇於爲善以子貴

誥封奉直大夫舉鄉飲年八十四孫本別有傳

青浦志

楊朝藩字滌山婁縣人歲貢生臨江守黼長子以仁孝聞與弟升友愛畢生無閒言著有未庵集子開鄴字箴堂性至孝母喪盡禮侍父病寢處不離者五載及父沒哀痛卒升字階六諸生亦以孝友稱平生多著述

金山志

岑泓字詩濤青浦人由太學生選山西永寧州判時滇寇亂蜀自三峽窺荆岳總兵徐治都鎮彝陵檄泓佐戎幕辦軍需積久無稍誤康熙二十七年夏逢龍叛泓隨治都自常德提兵剿捕賊平議敘署永寧州知州撫字催科經權兼濟民咸德之三十八年交城寇作交在萬山中憑險負固散則爲民聚則爲寇地近大寧產馬絕有力時上官禁民間牧馬廢南堡村木廠交人重困去爲盜旁掠清源汾縣邢臺三縣巡撫欲殲除之泓曰盜由民貧當先招撫巡撫然其說卽委泓主其事泓單騎入山諭以禍福民胥悅卽解散將以卓異薦曾有疾告

松江府志

卷五十八

古今人傳十

三

歸卒於家

沈巷志

徐球字端臨華亭人給諫賓次子康熙乙酉

聖駕南巡以諸生獻詩

行在召試稱

旨命入

南薰殿纂書優叙爲福建浦城令縣有赤腳光丁銀苦累貧民爲日已久赤腳光丁者無產之別名也球至詳憲革除所有報部額銀就田勻派民稱便又朱紫陽祠歲久就圯捐俸修葺置田百畝永給祠中香火在任九載引疾告歸年八十而終著有建草堂詩稿

奉賢志

徐欽疇字素修婁縣人階六世孫父佺卒旣葬欽疇去丙舍里許賃廡以居二十年不返曰兩兄方宦游吾不敢以廬墓名也族有鬻祭田者輒以私產贖之婦翁陳無子遺命子孫奉其祀子曷亦以孝友行誼爲時所稱

婁志

黃兆長字體仁居華亭之陶宅今屬奉賢中允之雋兒也性仁厚行善不倦里人袁某逋賦將受笞兆長解囊鏹授袁得免王某提筐貯食鹽捕誣以私縛送獄兆長銳力出之宋某爲弟婚無資如所需給之里人爲語曰有無相通黃長公卒年七十二

奉賢志

松江府志

卷五十八

古今人傳十

三

莫之玫華亭人太學生有才諳見善必爲郡舊無考棚遇歲科試檄赴澄江或附崑山考校水程來往生童苦資斧不給至是之玫請以府東察院改爲試院願捐貲改建知府祝鍾俊通詳各憲署總督陶先捐俸買院後顧大申舊宅益而新之規制大備之玫獨費千金終始其事經歲落成康熙三十九年督學使者張泰交始按臨歲試臺使者咸旌其行合郡至今賴之

張風雍字履中青浦人年十六祖父母父母相繼沒風雍與伯兄執喪盡禮旣補縣學生未娶或勸之辭以未葬不除服與兄營葬而後娶族有不克葬者瘞之有姑

喪其夫爲代輸歲賦又所居狹鄉荒瘠重以役困會大吏按行清理風雍獨任其費得以蠲減遇歲祲則竭所餘賑之年六十八卒孫宏燧乾隆十五年舉人湖南桂

陽州知州

青浦志

林企俊字宮聲婁縣人居浦南爲諸生不專章句講求經世之略壯年幕游晚始居里黃太史之雋爲作傳謂爲不仕而仕以其能佐當世利濟及人也歸後復其祖太僕景暘所置贍族祭田各三百畝其師吳騏無後葬之細林山奉主於點易臺助出道院以供其祀子令旭

貴贈如其官

華亭志參金山志

松江府志

卷五十八

古今人傳十

罕

曹鑑仁字馭先婁縣人勳孫以國學生考授州同知性恬退不樂仕進潛虛守寂以文自娛著海棠雜詠及田家詩二卷閒逸處不減儲王楊閣學瑄序而梓之

干巷志

曹鑑昊字欽臣婁縣人勳孫由歲貢教習候選知縣幼失怙恃哭踊中禮儼如老成長兄病侍奉湯藥衣不解帶者數月季兄夫婦惜亡一切喪葬竭力營之從兄其武早世撫孤姪無異己出平日好學能文尤爲士林所

推重云

楊錫履字葆素婁縣人諸生閣學瑄長子經史百家靡不殫究爲文力追先正雍正元年隨父戍黑龍江險阻

艱難不離左右遇

恩赦歸杜門著述至老不衰有自適文稿八卷口外山川紀略六卷弟錫恆字涵貞康熙己丑進士性尤孝依依色養不忍就選亦嘗侍父謫戍父沒極哀盡禮母病籲天以己算益母壽尋愈生平好古博學著有冰天草生還草聽雨軒詩文等集

金山志

葉勇字來青上海人映榴長子諸生以難廕補荆門州知州丁祖母憂服闋補鬱林州知州調永康時境內大容山土賊竊發劫略村落勇遣卒討捕縛其渠率餘黨悉平居民失火焚官廨及廩庫吏請如故事加耗勇弗

松江府志

卷五十八

古今人傳十

望

許以家財新之易茨以瓦內遷員外郎復擢沂州府知府罷歸年八十一卒

南匯志

葉芳字洲若上海人映榴次子諸生以難廕授蔚州知州請改內用授員外郎未補以疾歸養疴園林讀書靜坐以必信必果自繩顏其齋曰硜小弟子房字沛臣諸生鳳毛本生父也言行醇謹亦工翰墨以鳳毛貴贈如

其官

南匯志

蔡之笏字欽葵上海人國珍子醇厚端謹樂善不倦邑令李發枝察舉鄉飲賓從弟之筆字聖持勇於爲義臨沒出遺金助興義塾以子嵩貴贈如其官

南匯志

吳啓秀字禹疇上海人居鶴沙里嗣父燧木生父宗亨啓秀弱冠入金山衛學學使張鵬翮鄭任鑰鄧鍾岳皆器重之家貧賣屋葬七喪教授里中其講學提要鉤元無近時浮汎習爲文洗洋恣肆而於規矩不失尺寸平生不欺暗室屢躓棘闈無愠色子成棟諸生爲文淵懿楷法秀逸次成九世賢世賢自有傳南匯志王鶴江字岷始婁縣人居璜溪歲貢生性至孝晨昏定省先意承志無少怠居喪癖踊哭泣幾不欲生族有不能葬親者贈以地復貸之費以經紀其喪凡族之墳糧祭埽子孫不能承者以身任之未嘗有德色所著有學

松江府志

卷五十八

古今人傳十

聖

庸撮要粵游草讀杜心知等書子壽樟字問亭諸生著

有石筭詩稿

金山志

曹炳曾字爲章上海人篤厚倫紀三黨貧乏者每調救之爲族姪兩娶婦婦卒又撫其嬰故人三喪未舉助之葬有名家子淪落不偶衣食之三十年沒更斂之捐資育嬰夏月施帷帳晚年創置義田以贍族聚書萬卷吟嘯其中輯族譜著放言居集孫錫黼梓以傳上海志

楊錫觀字禹若婁縣人瑄姪工翰墨尤精隸篆成六書辨通等書凡八種幼孤事母孝至老孺慕不衰性和而介行方而通嘗著清夜錄以自警云金山志

王祖慎字徽五華亭人入邑庠貢入成均以例需次中書大學士王揆薦入詩經纂修館充纂修官祖慎於春秋學尤深邃發抒蘊奧頗爲精當書成授中書科中書以葬親乞歸築別業於東郊疏白鷗池平章花月簡校農桑以終其身

范棫上
撰墓志

徐榮疇字武三婁縣人階六世孫康熙三十八年由例貢補鑲黃旗教習復充春秋傳說彙纂館纂修議敘授昌黎知縣以治行聞雍正五年陞朔平知府內補刑部員外郎陞郎中乾隆五年致仕歸卒年八十五榮疇之令昌黎也課農桑敦禮義代償民欠籽糧千七百石曰

松江府志

卷五十八

古今人傳十

望

無使後令施鞭箠也朔平爲大同右衛地時值軍需旁午榮疇區畫裕如緝巨盜決疑獄有古循吏風在西曹每決錄稱平允子王昱考授州同爲善於鄉敦行不怠里黨咸推重之

婁志

王祖晉字笙客華亭人楨子幼遭父喪號慟若成人既長發憤治舉業考授州判雍正庚戌以保舉發往南河效力爲嵇文敏曾筠屬吏歷著勞績議敘得靈璧令乾隆辛酉擢六安州牧註誤引

見仍以知州用補河南汝州擢衛輝知府請假歸養丁母憂遂不復出其令靈璧蝗蝻爲災出私錢捕焚之復助

災民構屋在六安值鄰境河溢檄委履勘悉心措置人
無流亡在汝州適金會梗化禁旅西征辦治軍需夫馬
恭遇

天子舉升中禮少林嵩陽百泉白雲次第委督咄嗟立辦
遂有衛輝之授在郡數年復崇本書院濬孟姜河勸農
藝水田理冤獄絕請託嚴舉劾歸葺祖遺祭山山莊居
之題曰知止興至輒成篇章編爲碧涵堂詩草卒於子
興堯河北署中年七十一興堯字澄宇幼英慧循例授
通判會河東有大工大吏薦授東昌下河通判遷兗州
洳河通判建韓莊滾水壩及口大牖河道總督張師載

松江府志

卷五十八 古今人傳十

四

廉其勤幹擢兗州運河同知旋授陝西西安府未期年
復以講習河務

特簡山東運河道時工部方議大挑運河

詔大學士諸城劉文正覆視興堯謂蓄諸水嚴啓閉禁偏
漕則不勞民不糜帑無淺阻之虞文正韙其言事乃不
擾以母年老陳情歸養居佘山葺皆山閣擅園林之勝
平日耽玩詩文晚年手病猶吟詠不自休卒年七十九
子錫奎自有傳如金字式二以議敘通判歷官山東兗
沂曹濟道調河北道護河隄之將決者敘功加按察使

銜卒於官

婁志參儀徵
阮元撰墓志

莫遜田字薛封金山人官廣東潮州府通判倜儻多才
好行善事邑令常琬上其善行制憲尹文端給額旌之
乙亥歲祿首倡捐粟設粥廠以賑遠近飢民全活者甚
衆撫軍莊有恭具題請

旌并給額曰義風足式

黃素字采受上海人貢生康熙四十八年歲饑爲煮粥

福泉寺捐棺糶瘞疫死者巡撫某給額旌之南匯志

莊時遴字萬甸華亭人例貢生性坦夷不設城府好施
予有以緩急告者未嘗拒久不能償卽焚其券夏無帳
冬無絮死無棺糶者輒贈之同堂兄弟叔姪棺淹淺土

松江府志

卷五十八

古今人傳十

聖

久不克葬悉爲安厝里中無主骸骨暴露田閒苟有見
聞卽捐貲埋瘞遠近橋梁修建助成其功他好義多類
此年七十八卒

金鶴字鳴九上海人妻施氏生子甫彌月會其繼母以
產子死遺一弟鶴令妻兼乳之父卞急不如意卽杖鶴
夜臥石橋伺怒解方敢歸夫婦相勉以孝哺乳踰所生
時護其涼燠焉精岐黃術著有醫藥傳心上海志

張士正字子靜華亭人倜儻有濟世才松俗向時阻葬
相習成風士正憤之凡親族戚友有事無不曲爲調護
五畝之東南地高仰苦旱倡議開河引水溉田數百頃

至今利賴歲洊饑死者枕籍徧請紳士設廠施粥無應者奮然獨任之五畝向少義冢捐田數畝創建聽人瘞埋竝建福善庵其旁以垂久遠子姓繁衍能讀書世其業卒年七十三

夏起麟字肇周婁縣人性謹厚父塊然鰥居家貧授徒以供甘旨每黎明上堂問起居夜必手整牀褥俟寢熟乃退出告反面三十年無閒田畝歲入悉任兩兄雍容友愛人無閒言有許字良家女其父又生異議起麟爲委曲設法以歸其夫又故人饒於資臨沒以子相屬起麟爲經紀數載俟其長而歸之封識如初其樂善慕義

松江府志

卷五十八 古今人傳十

吳

率類此

婁志

吳亮斌華亭人居沙西八畝今爲奉賢地康熙四十四年三月

聖祖仁皇帝南巡幸松亮斌以滌闕海塘衝潰又蘇松浮糧歷奉

恩旨未得循照江西南昌袁瑞三府一體查減至松屬田賦三鄉科則除徵平米外每石折色地丁銀數一浮再浮顛

恩飭查以蘇民困奉

旨著交於地方官查勘欽此其後疊次蒙

恩減免改築石塘雖事隔多年而松民蒙利實肇端於亮
斌之陳請先是康熙四年亮斌協築海塘巡撫韓給天
池永障扁至是以三老跪陳

天聽憲司復書楹帖云

天子巡行三顧問老農奏對獨沾

恩年九十餘卒子鶴翔諸生

陸大癡逸其名字雲龍婁縣人唐忠宣公裔不事舉業
工詩善作擘窠書家徒壁立而意氣自豪

聖祖仁皇帝南巡獻策

行在人目之爲癡因以自號凡書扁聯輒署其尾曰大癡

松江府志

卷五十八

古今人傳十

七

與同里張雲蓀竹友善竹諸生能詩善畫五十後棄舉
業嘗除夕造大癡大癡方擁爐高吟卒歲之需無一辦
也竹爲寫除夕擁爐圖人兩高之婁志

湯俊字熙臣婁縣人居朱涇事繼母盡孝終身孺慕母
患癰爲之吮毒而愈母沒哀毀骨立嘗因無子買妾詢
知良家女厚贈遣之越明年子柱生有徽人黃會賢者
挾巨貲孤身客蘇適俊寓與鄰會賢遭危疾俊爲親理
其醫藥及卒厚斂之且守其貲俟其子至而授之子請
分其半以酬笑而不納金山志

莊有奇字問雲婁縣人先世由歙浦徙朱涇少有文名

受學於嘉定張匠門大受同游多知名士篤友誼有同志貧而介有奇周其匱乏數十年不倦尤樂周卹宗黨凡親族之貧寡者無不曲濟之由歲貢選潛山訓導潛士皆喜得師表云

妻志

陳安仁字躍江奉賢人國學生性恬澹樂爲善乾隆十三年米價昂民艱食安仁先平糶爲鄉里倡二十年歲饑巡撫檄所在捐賑安仁率從子遇清文錦出米煮粥活飢民以千計又捐田三百餘畝爲義田以贍五世族人巡撫莊有恭題准奉

旨該部註冊

松江府志

卷五十八

古今人傳十

吳

旌以仁風可式額至修族譜建宗祠及里中橋梁皆出而襄事云

吳祖雍字遇文華亭人七齡時生母朱爲父遣臨去牽母衣泣曰兒大當尋母也有兄爲嫡母生嫡撫之如一父沒兄亦繼卒益奉事嫡母不懈迨沒喪葬服闋至吳門訪舅家問母消息舅亦僅知在京姓李而已遂入都徧叩李姓終無蹤或告永定門外十六莊有李氏瑩其媪爲蘇人亟往叩果有老媪卽備訴原委媪驟聞而驚乃驗其左耳有綫痕又審其目微有癍方失聲抱哭不已是時主人官梧州欲奉母以歸卒未得有憐其孝者

謀贖資以贖之南康別駕田惟揚首爲伙助而湖州嚴太史西武與李氏交最厚具言其情李知而賢之遂還其母時康熙甲午五月二十七日也平湖盧生甫爲文記其事祖雍後游粵西道卒其子亮揆甫弱冠聞訃哀號竭力前往卒負骸骨歸人以爲孝子之後復有孝子云

方景高字開遠奉賢人諸生正學十三世孫詩文拔俗學使滄陽張榕端以景高所作泖湖櫂歌四首具仙骨載采芳集中竝研理學李之駒引爲忘年交弟景文字繼逢諸生能詩多著述景高孫聞美字充之奉祀生忠

松江府志

卷五十八

古今人傳十

四

厚剴直乾隆五十二年呈請葺郡城方正學祠後以正學遺孤墓年久荒圯無力獨修徧告族人鮮有應者抑鬱而卒

金鼎字澹民青浦人沈靜寡默手不釋卷工草書耽吟詠著選幽居稿同里王心字載寧雅與一時名士交亦喜爲詩有十友廬稿

青浦志

顧榮字欽公上海人居六竈讀書稽古務求實用爲塾師學徒甚衆後有黃河字詹吉居張江柵由諸生入太學工詩善書屢試不售教從子槐成進士樓爲名諸生壻艾辰登鄉榜著有任廬詩稿

南匯志

張復初青浦人少孤兄奪其產徙他郡為人傭比長求親骸不得號泣去刻木像事如生僦居常熟爲某觀察廉役以謹愿得小裕旋葬木像於虞山王原爲作傳顧世榮字天賢婁縣人居朱涇事親孝生養死葬盡禮有佃某負租見世榮未有子願以女作妾償世榮不可蠲其租助貲遣嫁之親友有匱乏者必爲周卹其生平仗義類如此

金山志

孟養大字直夫佚其居事母孝生養死葬雖貧必盡禮徐澤夫憐其貧製一紵袍贈之泣曰吾母緼衣入斂吾忍以此華其躬邪固辭之

松江府志

卷五十八

古今人傳十

五

張燧字景明上海人事親以孝聞割股療母不求進取文藝風雅著千秋一覽藝苑英華萬竹山居詞三影集

梅花詩行世

上海志

孔貞民上海人至聖六十三代孫事父母及後母俱孝親喪廬墓三年人咸稱爲孔孝子子尙贊孫允貞世守家法孝行不衰

上海志

費明啓字開夫上海人父年九十五明啓七十餘猶依依孺慕邑令史彩給額旌之

南匯志

沈喬堂字邗城青浦人

匡濟曾孫歲貢生選六合

教諭廟廡頽圯學田五

爲豪猾佔言於學使者經

營八載各復其舊康熙五十三年攝縣事適大旱民饑
剗切上書中丞儀封張公伯行得截留歲漕五十萬石
且分賑江以南被災州縣全活者不下數十萬旋以艱
歸服闋卓任青縣知縣又以旱災請撫卹爲上官所挫
辱憤激自經死青縣人思之祀名宦子大成自有傳

松江府志卷五十八終

松江府志

卷五十八

古今人傳十

五

